

陶

齋

臧

石

記

鉤齋藏石記卷五

後燕

武容造象記

象並座高七八寸記刻於座正書

立
佳燕元年甲申四月癸丑朔佛弟子武容為兄又羅造像而

是刻首書年號上一字未全泐似作佳下一字漫不可辨案
自漢以後歷代元年值甲申歲者如魏之咸熙吳之元興張
駿之太元後魏之正始唐之嗣聖文明光宅宋之雍熙皆與
此刻字跡不類惟後燕慕容垂自稱燕元元年為甲申歲此

刻第二字似即燕字疑上一字亦如石鼓及鐘鼎文維皆作佳之例用作古文維字而元下或有重文云佳燕元二年甲申也又或本無重文則逕作佳燕元年亦通蓋是時垂在軍中事出倉卒雖有年號民間或未知故第舉其國號曰燕元年也造象盛於元魏以前則惟劉曜時之浮圖澄造象碑為最早而久已不存此刻當晉孝武帝時蓋其最古者矣已下一字不可辨又下乃羅字泐存上截耳丘即區字顏師古謂古語丘區二字音不別韻會曲禮不諱嫌名謂字與禹丘與區丘之與區今讀則異然尋古語其聲亦同陸士衡詩晉殿丘字即區字也故馳驅之驅後世多作駟玉篇駟同驅可證

記云兩區今石止一象蓋已亡其一矣

後秦

呂憲墓表

石頂圓式正中高二尺蓋四分寬一尺蓋九分六行行六字字徑一寸蓋弱不等額二字橫列徑一寸蓋五分書

墓表

額

弘始四年十二月乙未朔廿七日辛酉秦故遼東太守略陽呂憲墓於常安北陵去城廿里

右呂憲墓表拓本高一尺三寸廣一尺一寸在長安近時出土前人無著錄者案晉書姚興載記興以灾眚屢見降號稱王下書令羣公卿士將牧守宰各降一等告於社稷宗廟大赦改元

宏始是歲晉安帝隆安三年也其四年為安帝元興元年晉自
惠帝以後幽州沒於石勒遼東略陽後皆為秦所據又姚萇載
記云太元十一年萇僭即皇帝位於長安大赦改元曰建初國
號大秦改長安曰常安此刻正作常安宋敏求長安志云苻堅
姚萇宮在長安故城北云去城廿里當即指故城而言也

銘草堂金石聚

張德容二

右呂憲墓表文曰弘始四年為後秦姚萇年號萇本號皇初從
太尉趙明公等請改元弘始呂憲晉書紀載無其人碑稱秦故
遼東太守按憲為太守當是苻氏遼東太守晉書地理志遼東
屬幽州慕容暉為苻堅所滅堅敗地復入慕容垂姚氏蓋未嘗

有其地也以是定憲為符秦遼東太守然憲為略陽人而略陽則為姚氏所有之地晉書紀載苻萇使姚詳戍略陽為楊定所攻則姚氏之有略陽也明矣蓋憲故略陽人而官於遼東猶楚材晉用也及沒乃還葬常安按常安本長安前漢書王莽傳莽分長安城旁六鄉置帥各一更長安為常安又姚萇以太元十一年即位於長安又改為常安北陵三輔黃圖長安志均無考殆即文選注陵冢為山之義云趙之謙補寰宇訪碑錄亦未之及當是近年新出者

汪鑒十二硯齋金石經眼錄

右墓表云葬於常安北陵按北陵猶言北原地形闊則曰原地勢高則曰陵玉篇陵冢也國語管仲曰定民之居成民之

事陵為之終注以為葬也並不嫌指帝王葬處而言國史補
董仲舒墓門人過皆下馬謂之下馬陵後人謠為蝦蟆陵此
亦凡人葬處皆可偁陵之一證漢丹陽太守郭文碑云君之
弟故太尉薨歸葬舊陵此又一證祝英臺墓稱祝陵見毘陵志孟德祭喬玄北望貴土
乃心陵墓唐吳景達夫人劉氏墓銘頌於芒山舊陵呂憲墓表額祇墓表二字司馬景
和墓誌蓋祇墓誌銘三字兩石側同此古人簡重處非簡率
也

宋

韋意而子墓輓

輓側高一尺寬一寸五分二行字徑三分至七分不等正書陽
文

宋元嘉十三年京兆韋意而子隱在龍山十九年十一

月廿一日終廿一年造碑

工曰

□熊造象記

石高五寸廣一尺五寸七分十五行字數不等正書

元嘉廿五年太歲□子始康□晉豐縣□熊造一□亮佛相□光
聖耳二尺一石佛□父母并能身及兒子起額無毫毒佛國生七
月廿三日立

右元嘉廿五四字僅存左之泰半考是歲為戊子其缺處則
戊字也沈約宋書州郡志晉豐縣屬益州始康郡熊為造象
之人而失其姓亮即亮字古量字或借作緬作兩皆以音近

相通無亮即無量也

劉懷民墓誌

石高一尺四寸強寬一尺七寸十六行行十四字字徑八分正書

宋故建威將軍齊北海二郡太守笠鄉侯東陽城主劉府君墓誌銘

苕苕玄緒灼灼飛英分光漢室端采宋遼曾是天從凝竇窮靈高
沉兩剋方圓雙清眩紫皇熱剖金連城野獸朝浮家犬夕靈淮棠
不翦澠鵝改聲履澍達微潛照長真鄭琴再履吳涕重零銘慟幽
石丹淩濡纓

君諱懷民青州平原郡平原縣都鄉

口遷里春秋五十三大明

七年十月乙未薨粵八年正月甲申塋於華山之陽朝

夫人長樂潘氏父詢字士戶給事中君所經位言□條知□□州
別駕勃海清河太守除散騎侍郎□□□□□□太守

此志稱笠鄉侯案宋書州郡志無笠鄉縣當是鄉侯非縣侯其
地今不可考又云為東陽城主晉書地理志慕容超為劉裕所
滅留長史羊穆之為青州刺史築東陽城居之

水經注以在陽水之陽即謂之

東陽城通典即郡治東城也

宋書州郡志義熙五年平廣固北青州刺史治

東陽城孝武孝建二年移治歷城大明八年還治東陽懷民卒
於大明七年是尚在青州刺史未還治之前故稱東陽城主也
野獸朝浮是用宋均猛虎渡江事鄭琴吳涕未知所出元微之

詩鄒律寒氣變鄭琴祥景奔是鄭琴古有是語今未能實其人
莖於華山之陽朝此華山即華不注山元和郡縣志華不注山
一名華山在歷城縣東北十五里懷民曾為齊郡太守卒莖歷
城亦情事所有惟陽下係朝字亦未聞也

楊守敬壬癸金石跋

此誌藏漚陽端尚書許南朝誌石傳世者僅此文字雙絕為字
內誌石之冠懷民子善明南齊書有傳稱父懷民宋世為齊北
海二郡太守所書職官與誌正合劉氏在齊有佐命之勲善明
族兄乘民懷珍乘民之子懷慰當時並為顯官

乘民見善明懷
慰傳中懷慰懷

珍並有傳諸傳稱其籍里並作平原平原人誌作平源乃別體非謠
也懷珍傳云是漢膠東康王寄之後與誌所謂分光漢室語亦

合此誌宜都楊君惺吾有跋尾考誌中之華山乃華不注山其說甚確惟尚未知懷民子善明有傳在南齊書爰書之舊藏本之後以補楊氏所未及

羅振玉跋

鄭琴吳涕楊跋未詳按列子匏巴鼓琴鳥舞魚躍鄭師文聞之從師襄三年不成無幾見師襄曰文得之矣於是當春而扣商絃以召南呂涼風摠至草木成實秋而扣角溫風徐回草木發榮夏而扣羽霜雪交下川池暴涸冬而扣徵陽光熾烈堅久立散將終而總四絃景風鵲慶雲浮甘露降醴泉湧吳志凌統病卒時年二十九權聞之拊牀而起哀不能自止數日減膳言及流涕使張承作為銘誄此兩事竝在劉宋已

前或即銘詞所本歟元微之詩鄭琴祥景奔即用師文致景
風慶雲事 顧亭林金石文字記墓之有誌始自南朝南齊
書云宋元嘉中顏延之作王球石誌素族無碑策故以紀德
自爾已來王公已下咸共遵用劉懷民誌作於大明七年適
承元嘉之後此誌詔文字導源之時代也

何孝廉夫人冉氏墓輓

輓側高一尺八分寬二寸一分字徑七分分書陽文

宋泰始五年大歲己酉宜都夷道何孝廉夫人冉氏神墓

昔人記墓之文稱神墓者僅見此可入六朝墓誌纂例夷道
宋縣荊州宜都郡今湖北荊州府宜都縣西北

高鎮買墳地券

石高八寸七分廣八寸六分十三行行十七字正書右行

□木元徽元年癸丑十一月二十五日丁卯楊□江都縣東水關
河東清平界永真鄉居□□高鎮茲緣先妻徐氏冢婦胡氏介婦
王□□□此三里橋之原地脉靈長山水朝迎筮□□□爲宅兆
用財買得應鵬墓地一方□□十五步東至蒼龍西至白虎南至
朱雀□□□□吾□塋分劈四域丘丞墓伯封步□□□將軍齊
整阡陌致使故氣邪精不得侵□□此約並令將軍亭長縛付河
伯今俗□脯□共爲信券涓年之季冬十二日甲申塋□□□□
甯永安佳原百世千秣子孫多□急□如 五帝使者女青律令

右券奉

后土真官幽穴之神

此八字依原石與前為一行奉下空二字寓后土今誤書作兩行仍之

右石題宋元徽元年案元徽係宋蒼梧王年號或以字跡太近不類六朝人書疑係以元祐刻改射利余諦審徽字既無刻改痕跡且元徽元年歲在癸丑元祐元年則歲在丙寅且自宋以後凡以元某紀年其元年無在癸丑者今此石作癸丑既不可移入後代而字跡與前後實出一手則亦未經刻改可知然攷宋江都係廣陵郡屬縣隸南兗州刺史不隸揚州今此石江都縣上係揚州二字與宋州郡不合又通篇俚語與所藏宋宣和中謝錦買地券太半相同相距六七百年

不應昭合至此疑此竟出後人偽造非由剗改也茲姑從過而存之之例仍錄於劉宋而志其疑於此

梁

天監井闌

高一尺 寸 分橫徑三尺 行行四字至六字不等字徑

寸

分圓徑

尺

寸 分七 不等正書

梁天監十五年太歲丙申皇帝愍商□之渴乏

詔茅山道士□

□永若作亭□井十五口

井在句容城北城守營署後文凡七行予以乾隆五十年四月

三日因王蔭可言訪得之 蘇星衍記

右井在句容城守署欄刻正書三十五字歐趙諸公之所未見

甲辰春孫君李述訪得手拓其文遠贈觀其書法沈毅中含逸致之狀絕似瘞鶴銘豈亦出自白先生之手乎嚴觀江甯金石記

右石井闌題字在句容縣北文云梁天監十五年太歲丙申皇帝愍商□之渴乏乃詔茅山道士□□永若作亭及井十五口

此乃其一也以造井亭作功德亦梁武佞佛之一證洪順煊平津讀碑記

按梁武造井亭乃恤商之德意謂為佞佛之一證非是

劉敬造釋迦牟尼象記

石高七寸四分以下二寸五分為座上廣三寸七八分座廣四寸五分圓首記五行第二行十二字末行十三字餘十一字又年月二行首六字次四字在末行後下截當座下寬處正書

弟子劉敬造釋迦牟尼像一軀為過去母作善知識願生西方面

觀慈氏為現在父無諸郵心身安行吉諸惡不當孟微兄弟從令
以去乃至菩提更相濟度

連字碑係唐添已後編中碑字凡添字
行則者均原碑脫漏字添之半

梁大同三年閏月廿五日

此石為諸城劉燕庭故物後歸福山王文敏可謂流傳有自
北朝諸碑歷經前人著錄近且日出土不已南朝有碑志之
禁故傳石寥寥梁代號獨多然亦祇蕭氏陵墓各種井牀題
字及吳縣顧廷謙陳寶齋造象兩種其經近人訪得者則蕭
景造象鄱陽王恢入蜀記及絳州北山許菩薩等造象數種
而已瘞鶴銘迄無定論未能力決其為陶貞白書也此石凡
六十九字不可辨者無幾雖書手或出民間未足與始興王

諸碑抗席然以人間罕覩之物而復得搜奇於諸刻之外不
又難得可貴者耶身安行吉上一字微損似是臨字當下似
孟祇二字惟弟上一字不可辨閏下不似有字當是原書作
閏月案是年乃閏九月也

銘於案背
七十字

要離墓殘碣

成石高二尺寬一尺四寸五分厚三寸二分二行行三字字徑
四寸強至六寸不等正書

漢梁伯

烈士要

梁修要離墓碣乾隆時出土于吳門東諸巷後城下光緒十二
年丙戌歲朝春石門李嘉福筮魚得石誌之

題字刻石右方分

要離墓殘碣高二尺寬一尺四寸五分厚三寸二分文曰烈士
要離梁伯二行行三字字徑六寸至四寸彊不等正書乾隆時
蘇州專諸巷後城下出土李氏定為梁修要離墓碣惜無佐證
按范成大吳郡志要離墓在閭門外金昌亭旁又云宋少帝廢
為營陽王幽於吳郡徐羨之等使邢安泰弑帝於金昌亭帝突
走出昌門追者以門關踣之此云走出昌門則亭尚在城中范
氏兩說後先自異就令城有遷徙亦當先狹後廣沒無趙宋時
城反狹於劉宋時城之理專諸巷在閭門內要離墓既在金昌
亭旁今此殘碣出專諸巷後城下則是墓在城中即為亭在城
中碣据而舊說兩歧可折衷一是矣吳地記云梁鴻墓在太伯

廟南與要離墳竝以今地段攷之專諸巷適在太伯廟南亦合
況周顧選卷其碑

陳

王明造像

佛坐高一寸三分寬三寸三分六行前三行行三字後三行行
二字字徑三四分正書上鐫佛像一軀

光大二年四月十五日王明造像一區

南朝石刻傳世甚稀造像見著錄者齊永明六年吳郡造維

衛尊佛

任浙江會稽妙相寺趙之謙補寰宇訪碑錄阮元兩
浙金石志杜春生越中金石記王越榮南北朝存石

目並
著錄

梁天監八年蕭景造王觀音象

威金目著錄

中大

通三年許菩薩造象又宋念章昌等造象四段

北在山同上著

錄

中大同元年釋慧影造像

石門李嘉福感南北朝存石
目況周順選卷最瑛並著錄

清丁卯朱昇造像

江甯甘元煥成江甯府志況
周順江甯金石記補並著錄
陳永定三年

趙和造四面碩象

南北朝存
石目著錄
此外殆不多觀其著錄者或亦

求一打本而不可得即如梁蕭景陳趙和二種雖金石埶家

得而見者或寡矣余舊風宋元嘉梁大同兩造像又得陳光

大造像縣黎垂棘遜茲瑰瑤已 三梁人書多疑古宕逸之

致絕無結構之迹可尋入隨唐而漸就範圍信本伯施已還

規矩多而神韵散矣登善稍神明變化之欲復古而未能也

此造象才十許字既其書執由延秀入峻整上承三梁下啟

隨唐風會所趨確率不易以是浚其為至真至精之品非唯

以時代見珍也

湧金井闌

高 尺 寸 分 橫徑 尺 寸 分 圓徑 尺 寸 分 井
名 三字徑五寸 分書紀年 四字徑一寸五分 正書

湧金井 三字橫刻

土德元年

闌五方湧金井三字占其三方字徑五寸德上存至之半定為

唐刻 續纂江甯府志

右井闌江甯府志定為唐刻非也按陳後主唐肅宗竝用至
德紀元唐至德稱載不稱年此云元年沒為陳刻無疑書執
渾峻蒼凝亦非中唐所克辨金作金漢書息夫躬傳秋風為

我嗟漢平輿令薛君碑童椎墜伸嗟即嗟金旁竝作金与此
合併作井說文共八家一井象構韓形。鑿之象也凡井之
屬如蘭井等字皆从井

天吉甌

甌側高一尺蓋五分寬二寸字徑一寸四分正書陽文

天吉早

古所謂鴛鴦瓦非必肖鴛鴦形也瓦文顛葑相向即亦謂之
鴛鴦說見宋人說部此天吉甌所謂鴛鴦甌六朝甌也

旬齋臧石記卷六

後魏一

鮑纂造象記

石高三寸二分廣九寸一分十四行行八字正書

大魏太平真君三年歲次壬午正月戊寅朔十有八日乙未永昌王常侍定州常山鮑纂單官在臺減割□□之儲為父前邢邢令亡母王造茲石浮畚大湟縣經一部額皇帝陛下享祚無窮父身延年益壽父母將來生弥勒佛前合門眷屬普家十一餘福子孫咸受福慶

此造象疑義唯單官在臺及邢邢縣令二事諸家考釋異義蜂

起竊以為皆非也考晉魏以來皆以臺為都城之稱自東晉元
帝王於金陵稱臺城宋齊梁並因之或稱臺省或稱臺軍史不
絕書故元魏亦沿其號如魏世祖紀始光四年車駕至自西伐
賜留臺文武生口八月班軍實賜留臺各有差五年使穆壽輔
太子決留臺事又正光元年賜留臺文武所獲軍資生口又孝
文遷都之際使于烈還平城曰留臺庶政一以相委是皆太平
真君前後數十年事尤平城稱臺之確證及遷洛後潁陽之役
以任城王居守與李彪李冲參知留臺可知臺為都城之通稱
都平城以平城為臺都洛陽亦以洛陽為臺無定地也厥後高
歡封晉陽亦稱為齊臺魏書永昌王健傳不詳所歷之官以世

祖本紀考之則西征北討並為撫軍大將軍未嘗外任其子仁襲爵二次南伐但稱為永昌王是知其父子皆即都城領軍鮑纂為常侍亦在代都故云官在臺也其云單宦者當以其家屬未隨任之故若邢邢縣今地形志無之隋書地理志亦無褚氏以三級浮圖碑陰有邢陘縣疑即井陘然下字不似鄆字考縣邑兩字作邑旁者唯邯鄲縣然上一字頗形似下一字亦不似也或別有邢曰一縣而地形志略之磨泐之餘未可強說矣

守敬壬癸金石跋

右石字迹駁犖細審既久以史證之悉與之合魏書永昌王健傳泰常七年封薨子仁襲考世祖紀健薨於太平真君二

年九月此云三年則蔡應為永昌王仁之常侍宜都楊氏謂單宜在臺歷證臺為都城之稱誠為有據唯文云在臺頗為不詞未敢附和太平真君三年當宋文帝元嘉之十九年據通鑑目錄此年正月為戊寅朔石中正字略近四字今依目錄定為正月地志縣名兩字俱從邑旁惟有邯鄲此石乃似邯鄲顯為石剝蝕之狀未可別生疑竇執點畫而務鑿舟以求劍也

清信女□知法造象記

石形式如鉢下一座承之高七寸三分上廣五寸五分下廣四寸四分上刻佛象及花草之屬記刻其下正書八行行八字

皇興五年六月廿日清信女□知法為亡父母造□□□顯亡

人上生□□上過諸佛□□□□□識宿舍□□□□身常見佛
聞法不逢吉難願、住心而求如意

此刻作皇興缺五年案北魏皇興盡於五年不容五上更有
一字若以五為丑字則五年中亦並無建丑之歲蓋此石形
式如鉢置座上鉢當底處益削不能刻五字故避而刻於座
非五上果缺損一字也觀左方亦然則是削非缺顯然矣

席伯仁造彌勒佛像

石高八寸寬四寸五分厚二寸五分一面錫佛像一軀二侍者
佛座中鑄蓮華等形兩旁僧伽彼形一面造像記六行行六字
字徑五分正書兩側並錫佛像及花紋

□魏太和十二年四月十五日弟子席伯仁敬造彌勒佛石像一

堪頷父得速超脫□□眷屬

按堪即龕字

一作礎

說文徐鉉注堪謂地穴中出也蓋与龕音

義相同西魏强弩將軍造像記敬造彌勒象一堪堪即龕東魏僧惠造像記同

又席伯仁造象記

石高六寸一分廣三寸八分一面象一面記正書五行行九字

弟子席伯仁去八月中遭官在禁頷速得解脫造石像一匝仰報冥恩願身吉永安眷屬不一刀衆生司台司言

此刻無年月然與前石既同是一人所造自當附於其後當亦係太和中刻也眷屬下似是寧太二字太康古通用如所

錄元魏李願樹造象記及造浮圖記殘石亦有寧太字即其證

孫紹兒專銘

專長一尺三分廣四寸八分正書

太和廿三年太歲在卯十月

癸酉朔廿五日□州鉅鹿郡

曲陽縣孫紹兒妙果

□妙果銘

右按太和廿三年歲在己卯此言太歲在卯者是通鑑目錄是年九月癸卯朔十一月壬寅朔以是推之九月為大建十

月則小建也州上一字當是定字魏書地形志有定州鉅鹿郡曲陽縣此孫紹兒二人皆以妙字排行近於女名不知其義

僧欣造象記

石高二尺五寸上廣二尺一寸下廣一尺六寸八行行十一字正書

大代太和廿三年歲次己卯十二月壬申朔九日庚辰比丘僧欣為生緣父母并眷屬師僧造彌勒石像一區願生西方無量壽佛國龍華樹下三會說法下生人間侯王子孫與大菩薩同生一處願一切衆生普同斯福所願如是

右石形如白上侈下斂記上及左右皆刻佛象魏至太和時

久已改代為魏此猶稱大代者魏書崔浩傳道武皇帝應天受命以始封代土後稱為魏故代魏兼用按司馬景和妻墓志銘稱魏代以此至太和七年孫秋生造象記首題大代太和廿二年始平公造象記亦有暨於大代之文今此造象稱大代太和廿三年三造象之稱大代皆在太和中豈孝文復古改稱大代史缺有間歟孝文崩於太和廿三年四月至十二月世宗即位已八月故此記不言上為皇帝陛下等語用故君之年號祝新君之蒙福蓋不忍言之故但云侯王子孫雖在縉流其亦有深意焉

王初興造象記

石象連坐高八寸七分廣三寸六分正書

□明元年□月□日王初興造象一區

右明上似景字尚見其迹

景明二年造像殘石

石正面高七寸廣如之陰高五寸一分廣六寸七分正書

魏景明二年六月廿九日敬造 正面

止弥勒像斯勝果資眷屬伏願以緣 碑陰

右前十二小字在佛像下四行行三字其大字十四上下皆殘蝕不屬僅合半字定之乃得此數

趙續生專銘

專長九寸四分廣
五寸三分正書

景明三年八月十三日

汴州金城郡廣武縣人趙

續生銘記

右專字迹痛劣殆是惡工所為就其筆畫審之定為金城郡
廣武縣人趙續生銘記考魏有兩廣武縣一屬雁門郡一屬
徧城郡徧城之廣武置於武定此之廣武在景明時當為雁
門之廣武然雁門非金城惟河州有金城郡此專州上一字
從水旁迹近河字金城領縣為榆中大夏又無廣武其名勢
不可強為附會也

劉未等造像記

石高四尺一寸上廣二尺四寸四分下廣二尺一分上為圭首佛
像兩層題名有刻佛旁者有刻佛坐下者記刻於下截之題名下

比丘道賓 比丘僧簡 比丘道安

比丘惠侶 比丘惠稟 比丘惠同

右上截

□ 左道 □ □ 左道法

比 □ 昔賢

右中截

劉杲生侍佛

胎妻侯侍佛弟子劉莫胎侍佛弟子劉芒侍佛武 □ 景熙皇帝時

宋祖劉黃兄弟九人四人臺士黃蒙國寵授作丁零護軍三□□
作興州刺史侍佛時劉清作條郡太守□作荊州刺史侍佛劉受
國恩俱作護軍封建依將軍廼縣子劉羗作三郎重作殿中尚書
佗東將軍廼縣子侍佛時劉還香夫妻侍佛
劉采妻趙侍佛時

右下截上

景明三年十一月十一日弟子劉未劉堆劉寄劉黑等四人造胎
勒像一軀上為國家皇帝隊及七世父母眷屬村舍大小常與佛
顙上生天上下生人中侯王居仕富貴家產顙之從心願求如意
天下太平五穀□登人民安樂永離諸苦劉倉成夫妻侍佛弟子

劉市德侍佛妻孫侍佛時息尚祖及弟高廉道興兄弟□侍佛時
右下截下

劉堆妻張侍佛時息劉戎弟廣□□□□興

右左側

取騎侍郎楊威將軍世宣太守通縣子劉保侍佛夫妻侍佛時劉

□妻个劉同劉善

右右側

右言景照皇帝時宋祖劉黃兄弟九人四人臺士黃蒙國寵
授作丁零護軍云云按宋乃家字缺蝕之狀此乃劉未等追
記其先世官闕刻諸上方魏書帝紀有景皇帝昭皇帝皆在

魏未建號之先此記昭作照刻時偶誤黃之兄弟所授之官與今魏書官氏志有異黃作丁零護軍按官氏志天興四年七月令諸部護軍皆屬大將軍府是魏先有諸部護軍而志未載冀州見於地形志菑州之菑疑為相字之譌地形志司州下云太祖天興四年置相州條與修同魏縣屬渤海郡音條不言立郡通音適縣名屬范陽郡此乃魏書官氏志所謂小縣子者三郎為衛士之稱官氏志幢將六人主三郎衛士是也杜氏通典言魏初有殿中尚書掌殿內兵馬倉庫其散騎侍郎楊威將軍官氏志並著此稱若建依將軍世宣太守官號及地與條郡俱存以俟別考云

高洛周七十人等造象碑

石高三尺六寸廣一尺八寸有陰及兩側並正書

大魏國正始元年太歲甲申三月戊申朔九日涿縣當陌村維那
高洛周七十人等上為皇帝陛下造釋迦石像一區故碁石立記

之 高蜩妻王阿香 高龍眷屬 高市眷屬 右記及題名分十
四行刻於碑之上

歲在象之上行三字至
七字不等

高欣高□達高延興高道原高安世高□□高思□□□高□

□高大榆高郡生高用仁 下泐第一行 高下高文高彘保高僧恭高雙

保高知明高□洛高惠午高□□高代安 第二行 高沐難高乞仁高

休保高安□高演高保榮□太心高伯成高 界 高國興高明 第三行

□□高垂子高副孫高可陽高次可高白居易高□居高昆高安居

高可仁高恁奴

行第四

高天高詢高

高康高保成高思仁高迺明

高仁居高領

□高社人

行第五

高保周高僧受高清周高龍居高法

興高思吉高

□向高安欣

行第六

高祖明

右題名六行在象之右方末一名已抵座下所錄行

次由右至左

高樹校高拔漢高伏蓋高文欣高貴高黑胎高常

行第一

祖高難生

妻趙文高駁妻王阿美高延□高備□侍佛

行第二

石像主高文妻

史寄五息買來買得像□□□目尺眷侍佛時

行第三

高允仁妻王念

姐息伏

約泐十餘字

宜生客生景賓景和兄弟父眷屬侍佛

行第四

清信女張門勝王念姐龐阿月

約泐十餘字

小四人眷屬侍佛高

香靈高景慎第五行高扶妻孔羽女侍佛約泐十餘字高阿□高登

高益高巖生侍佛第六行□□等待佛右題名六行在象之左方末一行已抵座下所錄行次由

左至右至

高次文眷屬 高融妻王阿美 高起宗妻趙同姬 高盖奴妻

□□□□□□□□□□右題名在碑之額

以上正面

高欣妻審香珠侍佛 高羽妻□羅侍佛二行在象之右

高言公高士 妻王阿美侍佛 高□各妻鉢□白羅侍佛三行在象之左

高士佳佛 妻仇如侍二行各四字平列似侍佛二字當回環讀在象之下

十一月丙戌高天妻崔思

一行斜行沿額之左邊思下似
另有一妻字旁似尚有二字

以上碑陰

清信士高詳妻倪殆男侍佛

清信士高伏盖妻劉容之侍佛

清信士高鮮妻負契士侍佛

清信士高買妻邢男生侍佛

以上右側

維那高龍

上缺

其隣高具高市高重子

以上左側

右碑圓額正面中刻佛象記與題名環刻四周碑陰佛象較大亦居正中環刻人物花紋之屬間以題名頗與花紋相亂兩側上截亦各有花卉盖其製頗精矣漆當即琢之謠字琢

縣漢初已置至唐中葉始改置涿州元魏時涿縣為范陽郡治也碣當即碧字蝸當即蝸我當即式飲似即欣字有泐文扶集韻薄旱切音盤去聲竝行也此碑為高氏一家所造其七十人之名已總具於前其後率因其妻牽連複舉亦有在七十人之外者而高融妻王阿莫及高虫子皆兩見且孱入清信女龐阿月一人似並非高氏之女又不可曉

虎洛仁妻孫葬專

專長六寸七分許
廣四寸八分正書

司州府人席洛

仁妻孫

正始三年二月十九日

張疎洛買田券

尊高一尺一寸九分廣五寸六分正面六行左側二行行字如下

正始四年九月十六日北坊民張疎

洛往民路何見買田三畝

齊東學北承季步東在東界西天土

步碩相九匹華保豐寒洛者有人識者

抑伏血數出見好秋丰采台有故民私甲

甘素文後考不得來購者先歸者止

稍遷畫指為信書義人潘校

時人踞善王

時人踞黃孫

後二行刻碑側

正始四年九月十六日北坊民張

神洛從系

當是縣字右旁

民踞阿兜買

墓田三畝公

大齊

北弘同引

五十三步東

齊

墓四弓

十二步碩綃九

匹其地

保無

寒盜若有人識者折成畝數出兜好

有民私

券久淺

各

不得

若先者

綃五

畫指為信書券人潘

苑

時人踞善王時人踞

孫

右專出涿州舊為諸城劉燕庭所藏蓋鄉民買田之券字形

舛謬絕不可識且或任意繚繞並不辨其為幾字茲就可識

者釋之其未敢決者旁注若實不可識則約計字數空格竝

識者補焉釋疎為神者蓋漢吳仲山碑神字右旁如此

胡徽貴墓銘

石高八寸七分寬四寸二行字徑八分至一寸一分半不等正書

永平二年五月十四日固安縣人胡徽貴銘

司馬景和妻墓誌

石高一尺六寸二分縱寬一尺五寸七分半二十一行行二十一字字徑五分寸正書

魏代楊州長史南梁郡太守宜陽子司馬景和妻墓誌銘

夫人姓孟字敬訓清河人也蓋中散大夫之幼女陳郡府君之季妹夫人資含章之淑氣稟懷韻之奇風芬芳持出英華秀生婉問河洲鼓鍾千里年十有七而作嬪於司馬氏自笄髮從人檢無違度四德孔脩婦宜純備奉舅姑以恭孝興名接娣姒以謙慈作稱

恒寬心靜質舉成物執謹言慎行動為人範斯所謂三宗厲矩九族承規者矣又夫人性寡妬媿多於容納取挑友之宜上萬小星之遠下故能慶顯壽斯五男三女出入閨闈誦崇禮義方之誨既形幽閑之教無著然盡力事上夫人之懃夫婦有別夫人之誠捨惡從善夫人之志內宗加密夫人之恤姻於外親夫人之仁夫人有五器而加之以躬撙節用豈悟天道無知與善使言享年不永山苗橫集春秋卅有二以延昌二年夏六月甲申朔廿日癸卯遘疾奄忽薨於壽春嗚呼哀哉卑三年正月庚戌朔十二日辛酉歸葬於鄉墳河內溫縣溫城之西寔以營原興龍窀野成丘故式述清高而為頌云

穆：夫人乘和誕生蘭葉蕙祿玉潤金聲令問在室傲音事庭方
孚洪烈範古流名如何不泝早世但傾思間後葉刊石題誠

乾隆己酉欽州馮欽昌觀題字在第二十一行末

右司馬景和妻墓誌銘首稱魏代或以代為朝代之代非也按
集古錄太武太延五年大代修華嶽廟碑跋云魏自道武天興
元年議定國號羣臣欲稱代而道武不許乃仍稱魏自是之後
無改國稱代之事而魏碑數數有之碑石當時所刻不應妄但
史失其事爾由是言之史家闕謬可勝道哉金石錄云余按崔
浩傳云方士初織奏改代為萬年浩曰晉太祖道武皇帝應期
受命開拓洪業諸所制置無不循古以始封代土後稱為魏故

代魏兼用猶彼殷商蓋當時國號雖稱為魏然猶不廢始封故
兼稱代爾今按此所云魏代正是代魏兼用之義足與史書相
發又按後魏太安二年中嶽廟碑內有大代應期之語亦可明
此所謂代非朝代之代也 又此誌所述事迹其體頗似加九
錫文竊以謂此是司馬家風故相沿以施之於巾幗爾又其書
體多出創意如妻作妻稟作稟從作從舉作舉益作益之類幾
難枚舉蓋皆不合六書之義然後魏書碑亦往往而是此自是
一種風氣不必深論也若其筆跡之佳及深得書家三昧政如
黃山谷評楊風子書所謂散僧入聖者當為魏碑中佳刻然初
觀殊不可喜又此石雖存然較之三十年前搨本已多損剝良

由石質脆薄多拓定不能久耳石方尺六寸厚僅二寸許云

孟縣志

沈進士嵩門以所藏魏人墓誌見示按其文題曰魏代揚州長史南梁郡太守宜陽子司馬景和妻墓誌銘以延昌三年正月辛酉葬而為頌題稱銘而文稱頌題不著其妻姓而文但曰中散大夫之幼女陳郡府君之季妹亦不著其父兄之名皆金石例所未舉雖漢碑有之然非正也魏自有晉懷愍之世始封於代踰九十年乃詔以國號為魏而此文猶以魏代為稱則其不忘本始之意亦可見矣文多別體蓋北朝習俗相沿使然爾

綱跋

翁方綱跋

誌銘題首云魏代揚州長史南梁郡太守宜陽子司馬景和妻
其文首云夫人姓孟字敬訓清河人也以延昌三年自壽春歸
葬鄉墳河內溫縣溫城之西攷魏書崔浩傳以始封代土後為
魏故代魏兼用猶彼殷商今此誌題魏代與傳文正相符契然
以推之道武帝紀天興元年羣臣言國家萬世相承啟基雲代
應以為號帝下詔宜仍先號以為魏則當時改號稱代帝實不
從而魏修中嶽廟碑于大代太和兩見太和二年始平公造像
記亦云暨于大代太和七年孫秋生造像記首題大代以例誌
文兼號魏代此必史氏之疎又不悟其紀傳自相戾也石近為
馮戶部魚山搜出已載入孟志所論與余合又別體字稟作廩

并作并備作備族作族寡作寡妬作妬姦作姦

武德校堂金石

按魏書傳司馬叔璠為晉安平獻王孚之後晉末入魏以安遠將軍丹陽侯卒子靈壽道壽為靈朔將軍封宜陽子長子元興次子仲明元興子景和官給事中稍遷揚州驃騎府長史清河內史正光元年卒贈左將軍平州刺史與志皆合然書稱元興襲父爵不書景和襲爵豈史之疎歟魏孝明延昌二年為梁天監十二年時梁魏構兵于淮南諸郡而壽春扼其衝且是年五月壽陽大水城不沒者三版干戈俶擾之際乃能從容歸葬又作銘以示後人夫人不可謂非幸也然是時距正光元年不及十年而景和亦已歿矣北史既不載景和魏書亦不載景

和之子此誌雖有五男三女之文名皆不著頗恨其過簡然字畫古質可喜往往有隸意尤多別體為魏晉南北朝所罕見者第自來金石書皆不著錄不審其石何在也沈子嵩門以拓本見示完好可誦因考而書其後嵩門名景熊仁和縣舉人成進士為予小門生現任貴州印江知縣

王祖金石萃編

右揚州長史司馬景和妻孟氏墓誌銘在孟縣碑首題魏代揚州長史南梁郡太守宜陽子司馬景和妻不著其姓以司馬景和墓誌銘攷之景和從龍驤府上佐遷揚州車騎大將軍府長史帶梁郡太守魏書地形志南梁郡屬譙州梁郡屬揚州梁郡揚州治故景和為揚州長史帶梁郡太守此碑夫人以延昌二

年夏六月薨于壽春壽春亦屬揚州碑首結銜作南梁郡太守
似誤 洪頤煊平津讀碑記

右墓誌云歸葬於鄉墳河內溫縣溫城之西按魏書地形志
溫縣屬武德郡注云二漢晉屬河內而武德郡下注云天平
初分河內置此墓誌作於延昌三年丁東魏天平改元前十
九年是時武德郡尚未分置故溫縣猶屬河內與史政合銘
後有欽州馮敏昌觀款據陸心源金石學錄補引孟縣志序
馮敏昌字魚山廣東欽州人乾隆戊戌進士由庶吉士改官
戶部主事誤孟縣志十卷內金石三卷殘碑斷碣靡不冥摅
細考論者以為有歐趙二錄之遺意焉王昶蒲褐山房詩話

魚山自官庶常改戶曹益以攷訂校讎為事工書能詩名山

大川必往登涉又修孟縣志精礪詳案有功於金石按馮敏昌著有

小羅浮館文集

劉銖安造象記

石象高一尺四寸五分坐高二寸九分廣九寸八分記刻佛坐上正書

大魏延□□年歲在□丁七月丁未朔九日乙卯唐縣民劉銖安

上為皇家各□□父□母亡兄□為見□并及居家眷屬敬造石

像一□□使□□

右延下應是昌字歲在□下一字具有丁形考之魏書宣武

帝紀延昌三年為甲午則所泐乃甲午二字唐縣魏屬定州

中山郡

皇甫麟墓誌

石高三尺七寸八分寬二尺二寸二分二十三行行四十字字
徑七分正書有墓格

魏故涇雍二州別駕安西平西二府長史新平安定清水武始四
郡太守皇甫君墓誌銘

君諱麟字真駒安定朝駟人也卿士之苗胄渡瀆之瓊徇荊州刻
史之孫辟主薄州部處士之元子金紫扶疎冠冠今古風節朝略
載在史籍君貴藉深葦性自竒拔是以早延休譽夙播高問刺史
王公台蘭高梁澄鍊涇士介曰提揚無先君者辟君為州都君諡
才舉第稱兄群望平直之選歌聲滿路刺史嘉君忠篤即拜為主

薄君輕賤儒術意幾經讀獎賞之情自然孤解即年中復貢秀才
君仁恕寬洽接賅深到共事之度無不樂仰延興中塗土夷民一
萬餘家詣京申訴請君為統酋然戎革理降本不相豫朝議不可
聖上以此諸民丹情難奪中 旨特許太和廿年中仇池不彭

扇逼淫隴君望著西惡勘能癡服 旨召為中書博士加議郎馳
驛慰勞陳示禍福兇頑盡悟面縛歸降動有數萬刺史任城王嘉
其遠量表為長史君策謀深玄聲震朝庭復除為清水太守領帶
軍鎮景明元年中 旨格初斑蘭選臺資窮盡州望除君為別駕
而君佐弼有方民士悅樂從景明三年至四年督護新平安定二
郡事正始元年中河州刺史梁公以開塞地嶮非賢不抑而君才

猛互張善能接撫復表為武始太守正始三年秦涇校達大軍征
討都督楊公以君權略多端深達軍要表君為都長史特遷高
君雖貴猶安定墳井在雍正始四年中還鄉刺史元王以君量勘
執物復表為別駕君辭以夕年沖讓不許王重加厚禮頻命乃就
凡所佐莅血心奉公唯直是斷雖伯夷之無私楊振之賤賄方之
於君未足嘉也府名宦無登方岳意氣蕭條猶若凡素毋欽想四
公公懷吾洛焉是以逸問遠流聲蓋四海視斤義如丘山散千金
若草土朝野榮賤望風送款方應進登台鼎永垂高試昊天不弔
春秋七十有五遘疾不損亮于家以延昌四年歲次「未四月癸
酉朔十八日庚寅坐於鄠縣中鄉洪滯里高山美木誰不憐仗名

賢背世孰不痛憶前雍州主簿橫水令幸對与君經萬臨極悲慟
弥增哀切遂尋君平志刊記金石其辭曰

三才啓曜五氣流暉名川峻鼻靈感特微誕生君侯獨秉玄資綽
矣高度希世閒出金鉶河右飛聲挺逸實不擇離誅不辟昵唯理
是從渾之若一深量難惻冲識孤融矛能撫衆武亦折雄丹磨不
異鑽仰弥崇形羈浮信志味通仙如雲開月如松出烟瓊巖顏岿
至韻輟玄親奮悼惋應惜綿綿面記金石或揚名賢

妻安定梁氏州主簿郡功曹洪敬女

妻鉅饒魏氏鎮西將軍內都大官黃龍鎮將趙興公苗孫女

誌云卿士之苗胄渡瀆之瓊猶詩小雅皇甫卿士渡瀆即度

遼後漢書皇甫規規父稜竝拜度遼將軍誌始指規而言誌
稱驕荊州刺史之孫辟主簿州部處士之元子而不詳其祖
父之名北魏吳高黎司馬景和妻北竺公孫祐墓誌竝与此
同例誌云太和廿年中仇池不彫扇逼涇隴旨召為中書博
士加議郎馳驛慰勞兗頊盡悟刺史任城王嘉其遠量表為
長史按魏書任城王澄傳高祖時氏羌反叛除都督梁益荆
三州諸軍事征南大將軍梁州刺史與誌合傳又云梁州氏
帥楊仲顯婆羅楊卜兄弟及符叱盤等自以居邊地險世為
凶狡澄至州量彼風俗誘導襄附於是仇池帖狀西南款順
皇甫驕馳驛慰勞當即誘導襄附之一事雖奉朝旨而方略

實受之任城故任城嘉其功而表為長史也誌又云正始三年秦涇叛逆大軍征討都督楊公以君權略多端深達軍要表君為郡長史魏書楊椿傳高祖朝椿為甯朔將軍梁州刺史尋以母老解還後武都氏楊會反假椿節冠軍將軍都督西征諸軍事行梁州刺史與軍司羊祉討破之尋以氏叛拜光祿大夫假平西將軍督征討都軍事以討之秦州羌呂苟兒涇州屠各陳瞻等聚眾反詔椿為別將隸安西將軍元麗討之誌云都督楊公即指楊椿無疑据世宗本紀椿拜光祿大夫假平西將軍討叛氏事在正始二年當是明年即有呂苟兒等之變故誌云正始三年秦涇叛逆也誌首揭銜安西

平西二府長史安西元麗之號平西椿所假號也誌又云葬
於鄠縣中鄉洪澇里長安志鄠縣唐二十四鄉而志僅存五
鄉之名此云中鄉即不傳者之一矣澇水在縣西二里說文
澇水出扶風鄠北入渭此云洪澇里當在澇水經行之域矣
誌又云以此諸民舟情難奪中旨特許舟情字絕新猶言興
情耳又云君矛猛互張銘詞云矛能撫衆矛柔眉柔以矛聲
矛本字爲蛇形蛇柔能屈信故矛可用作柔晉泰元年賈瑾
墓誌銘優矛六經矛亦作柔用誌又云君輕賤儒術意蔑經
讀語殊繆鑿麟殆目不識丁者作誌者以是爲解耳

錫齡案此
是本吳起語

王遵敬葬輒

紙高一尺零四分廣五寸六分正書三行

熙平元年九月八日

河東郡王遵敬

銘記并妻薛

神龜殘誌

志四周皆斷僅存片石如斜角形從右邊下右直長八寸二分

上缺下橫寬約七寸強長一尺二寸四分行字不計正書

□今西大將軍兗州刺史一

下缺

上缺□帝皇之始德皇明帝+

下缺

上缺八波將軍平陽郡守□

下缺

上缺三季以青州刺史

下缺

上缺見神龜二年

下缺

上缺
上京兆五

下缺

上缺
春方長

下缺

上缺
大夫干

下缺

右誌僅存四十餘字所書官位皆係顯秩惜無一事可證不能攷定何人首存平西大將軍兗州刺史字第三行存伏波將軍平陽郡守字攷魏書官氏志自太和中復次職令後四平將軍第三品加大者第二品伏波將軍則從第五品上階上州刺史第三品上郡太守則第四品下階中下州中下郡各以次遞降是以前所叙之官皆高於後然則首行似敘其

先世官位至伏波將軍以下乃敘其當身仕履京兆上似是南字五下似是守字此行似總敘其所歷郡守則京兆上當係四郡名元魏郡以南名者僅汝南河南然河南自太和中遷都已改為尹非復郡守則此必係汝南矣兗州天興三年僑置初治滑臺後取宋淮北四州及豫州淮西地至太和十八年乃移兗州治瑕邱領泰山等六郡此兗州刺史若係其先世官則尚係治滑臺之兗州矣青州初亦僑置於樂安取宋地後始移治東陽領齊北海等七郡此行下接敘神龜二年事則此必先時不久所稱三年者當即係延昌三年是則此青州刺史必係治東陽之青州矣平陽郡自真君四年後

改為東雍州太和十八年始罷復為平陽郡此稱平陽郡守
則歷官必在十八年之後據地形志郡屬晉州然志稱晉州
建義元年始改固在此後即初屬之唐州亦孝昌中始置仍
後於神龜者數年今此人為郡守又在神龜之前其時郡為
何屬蓋無從細攷矣筆勢多帶波發尚有分意相沿至唐初
猶往往如此

陳子良造象記

石高一尺一寸四分廣八寸七分
年號刻佛象旁記在其下正書

神龜三年四月□日清信士陳子良□心供養佛門願七世所生
見在平安

右神僊三年四月六字刻於佛像之左其下橫列六行行三字四字不等

翟蠻造彌勒像

石高三尺九寸七分寬二尺二寸五分正中佛像一軀佛龕上及兩旁均鐫小佛像連像記十一行行三字至五字不等在佛像上正中又十二行行八字在正中佛像下題名六行在右旁佛像下三字後四行行四字在左旁佛像下題名六行在右旁佛像下佛弟子翟蠻為亡父母洛難弟造彌勒像一軀願使亡者上生天上託生西方侍佛佐右供養三寶時已上十一行在佛像上正中

萬壽寺碑記

神龜三年四月十三日

夫興造福業者悉知天堂之快樂乃知地獄之酸楚即自為居家

眷屬擔茲洪顙竭其家珍分割妻子以造弥勒像一垺悉皆成就

顙使弟子居家眾惡雲消萬善慶集悉各□壽齊如彭祖使學問

者聰明精爽已上十二行在正中佛像下士宦屬官者為致三司應世不絕伏

顙虫□□□有□之類咸同斯福已上八行在左旁佛像下

父翟橋生 息蠻苗 息要蠻 息毛蠻 孫子元賓 孫子仲

賓已上題名六行在右旁佛像下

右造像記以壽考聰明宦達為善禱之文亦造像中之別開

生面者也

句齋藏石記

卷六

三